



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1859

CLV. Ludolph Verdemann, Propst zu Diesdorf, erlaubt einem Bauern zu
Varendorf eine Rentenverschreibung, am 25. Juli 1496.

Nutzungsbedingungen

[urn:nbn:de:hbz:466:1-54934](https://nbn-resolving.org/urn:nbn:de:hbz:466:1-54934)

CLIV. Ludolph Verdemann, Propst zu Diesdorf und Dambek, übergiebt dem Rathe der Altstadt Salzwedel Brieffschaften über Altäre der Marienkirche daselbst zum Verwahrsam, am 13. Juli 1496.

Wie Borgermeister vnde Radmanne der olden Stad to Soltwedel Bekennen apenbar mit dussem briue tugende, vor vnfs, vnse nakomelinge vnd suels voralsuem, de ehn sehen, horen effte lesen werden, dat de werdige here ludolfus Verdeman, To distorp vnd dambeke prawilt etc., vnse gunstige here vnd gude frunnd, Eyne Confirmation vnd etlike ander gerechticheyde vnd breue, de Vicarien des Altares Sunte Bartolomei vnd der hilgen dryerkonning In der kerken vnser leuen fruwen bynnen vnser Stad belegen, bedrepende vnd tobohorende, dem vorgnanten hernn ludolue, alle dem Vicarie des altares vnd den patronen Vnd lehnheren, Nome- liken Clawes vnd diderick brewitzen, Heyne owlofen nagelaten wedewe vnd diderick mechowen, de om sodann lehn vnd vicarie scole gelegen hebben, Vnd der patronen alle rech- tenn Eruen samptliken vnd besundernn to truerhand, bohuff vnd rechticheyd, vppe Jar vnd dach, datum dusses breues tho gader vorwaringe by vnfs vpp vnse Radhuvs gelecht heefft, de sulste Con- firmation, breue vnd rechticheyde alle wii dem vorseuen hernn ludolue, vicario, den vpgen- nanten patronen vnd eren Eruenn sampt vnd besundernn, wen se dat van vnfs esschen, sonder alle vorhinderinge gernn willen lathen lesen vnd daraff laten auerscrifte geuen, dar sie des Scriuers willen mogen vmme maken. Wereth ock, dat de gnante Hern ludolff by synen leuende vnd de patronen alle Vnd ere Eruen des to fredenn worden, dat sie van vnfs vnd vnfs nakamelingen Rad- mannen der Olden Stadt Soltwedell, sodane Confirmation Vnd ander breue Vnd rechticheyden wolden wedder nemen: wanner se denn de samptliken vnd eyndrechliken van vnfs esschen Vnd de Recognitien, als dusse scrifte, der drie ifs gelick ludes, eyne bii hernn ludolue vorbestemt, de ander by den Crewitzen vnd mechowen, de drudde by der owlofesken vnd eren Eruen vnfs wedder geuen Vnd Antworten, So wii En de obgenannten Confirmation vnd ander breue willen alle gernn antworten vnd ouerreyken, vnd nicht er, dat wii dem obgenanten hernn ludolue Vnd patronen zo vor vnfs Vnd alle vnse Nakamelinge lauenn Vnd reden, In Crafft dusses briues, Vnd hebben des to technisse Vnd louenn Duffer Recognitien dree, wo vorsteyt, Van vns geuen mit vnser Stad angehangeden Secrett Ingefegell vorfegelt, Na crifti vnfs hernn gebord Vierteynhundert Jar Vnd darna Imm Soefs Vnd Negentigsten, Am dage Margarete virginis.

Nach dem Orig. des Salzwedelschen Archives XXVI, 20.

CLV. Ludolph Verdemann, Propst zu Diesdorf, erlaubt einem Bauern zu Barendorf eine Rentenverschreibung, am 25. Juli 1496.

ICK Ludolfus Verdemann, prouist tho Distorpp, bekenne apenbar tugende vor alsweme in dussem breue, dat ick hebbe genant, beiwittet vnde bestadet henningh grapen, won-

afflich tho varendorpp, dat hee vmme syner anliggende noth willen van synem hoff mit syner tobehoringe darfulueft tho varendorpp recht vnde redelicken vppe eynen rechten wedderkopp vorkofft heft heren Ludelff hildenffem, bichttheren tho distorpp, vnde hebber dusses breues mit synen guden willen veer shepell roggen jarlickes paches, de de vorbenomede henning grape vnde syne eruen vnde alle ere nakomelinge, besittere des obgnanthen eres houes, alle jar in den achte dagen tho paschen heren Ludelwe vnde synen medethobescreven schullen vnde willen geuen, betalen vnde bringhen vpp den Closterhoff tho distorpp effte sinen wedemen hoff to abbendorpp, wunne he idt esschet, vor veertheyn marck Soltwedelscher weringhe, de de vorcreuen hern ludeluff demme vorgnanten henningh grapen wol tho willen vornuget vnde betalet heft, vnd scheget, dat de gnante henningh grape, sine eruen effte des hafes besitter in der betalinghe duffer vorbenomeden veer shepel roggen sumich effte vorfatisch worden, so mach de obgenante her Ludelff vnde sine medethobescreven de mit gheyllicken effte werlicken rechte, wo em bequemels is, vth manen, alse mit erme effte mit des closters distorpp knechten darumme panden, da will ick vnde alle mine nakomelinge en effte de sinen nicht ane hindern, wy willen one ock dar tho neghest des godeshufes plege vnd rechticheyt behulpen sin, wan fse dat van vnns esschen. In dussen kope is mede inbescreven, dat de vorcreuen henningh grape, sine eruen vnd nakomelinge, besitter des vorbescrevenen haues, duffe veer shepell roggen paches alle jar mogen wedder afflossen vnde kopen, vnde wen fse dat willen duen, so schullen fse den vorbescreven hern Ludelwe vnde synen medetobescreven de losse kundigen in den veer hilligen dagen to pinxten vnde darna vppe sunte Jacobes dagh en ere vertheyn marck penningh soltwedelsch mit allen nastellighen renten bynnen distorpp edder abbendorpp tho willen wedder geuen vnde betalen. Wenn denne de betalinghe also geschen ifs, so schullen duffe veer shepell rogghen henningh grapen, synen eruen vnde nakomelinge wedder quidt vnde los vnde duffe breff machtlofs syn. Des to louen vnde technisse hebbe ick ludolffus verdemann, prouest, obgnant, der provistie distorpp Ingheseghele wilken laten hangen an dussen breff. Gegeuen na godes bordt veertheynhundert Jar, dar nha im fofsundeneyentighesten jare, am daghe sunte Jacobi des hillighen apostells.

Geusen's Fragm. IV, 101—103.

CLVI. Des Rathes zu Lüneburg Versicherung für das Kloster Diesdorf wegen seines Antheils an der Saline zu Lüneburg, vom 18. October 1498.

Wy borgermeistere, Radt vnd meynheith der borgere to Lüneborch, bekenen openbar in vnd mit dissem breue vor allesweme, dat de werdige vnd achtbare here, Ludelf Verdemann prauest, andechtigen vnd innigen Jungfrouwen Vor Rixa von Wulstrou, priorin, Hebele Bodendorpes vnd Alheyd Varendorps, Zele frouwen des Closters to Distorpe, ordens S. Augustini, Verdesches Stichtes, na Inholde sodaner Concordien vnd vordracht, alse de Erwerdige in Gode Vader vnd here, here Johann, Bischopp to Verden, mit etliken prelaten, capitteln, conuenten vnd vnfen borgeren, de den grötteren vnd mehreren deil vpp der Zülten